

“জীবনেও সাথী, মরণেও সাথী”



স্থাপিত : ১৯০৫ খ্রিঃ

আঞ্জুমান বার্তা

ত্রৈমাসিক বুলেটিন

সংখ্যা : ৫৭

সেপ্টেম্বর, ২০১৯ খ্রিঃ



গত ১৪ সেপ্টেম্বর ২০১৯ তারিখে আঞ্জুমান জামিলুর রহমান টাওয়ার (কাকরাইল) নির্মাণে মাননীয় প্রধানমন্ত্রী শেখ হাসিনা ১০,০০,০০,০০০ (দশ কোটি) টাকা অনুদান দেন। উক্ত অনুদানের চেক গ্রহণ করছেন আঞ্জুমান মুফিদুল ইসলামের সভাপতি, রাষ্ট্রদূত (অবঃ) মুফলেহ আর ওসমানী। এসময় উপস্থিত ছিলেন প্রধানমন্ত্রীর রাজনৈতিক উপদেষ্টা জনাব এইচ.টি ইমাম (ডান থেকে প্রথম), আঞ্জুমান মুফিদুল ইসলামের ট্রাস্টি জনাব গোলাম রহমান (২য়), সদস্য জনাব মোঃ বদিউজ্জমান (৫ম), ট্রাস্টি ও কো-অর্ডিনেশন কমিটির চেয়ারম্যান জনাব মোহাম্মদ আজিম বখ্শ (৬ষ্ঠ) এবং নির্বাহী পরিচালক জনাব মোঃ আব্দুল জলিল (৭ম)।



রাষ্ট্রদূত (অবঃ) মুফলেহ আর ওসমানী
(প্রাক্তন পররাষ্ট্র সচিব),
গণপ্রজাতন্ত্রী বাংলাদেশ সরকার।

আঞ্জুমান মুফিদুল ইসলামের নতুন সভাপতি মুফলেহ আর ওসমানী

গত ২৯ জুন ২০১৯ তারিখে অনুষ্ঠিত আঞ্জুমান মুফিদুল ইসলামের বার্ষিক সাধারণ সভা-২০১৯ ও নির্বাচনে রাষ্ট্রদূত (অবঃ) মুফলেহ আর ওসমানী সভাপতি নির্বাচিত হন। তিনি গণপ্রজাতন্ত্রী বাংলাদেশ সরকারের প্রাক্তন পররাষ্ট্র সচিব। তিনি তাঁর দীর্ঘ সরকারী চাকুরী জীবনের দায়িত্ব পালনের পাশাপাশি বিভিন্ন সমাজসেবামূলক কাজে সক্রিয়ভাবে অংশ নেন। তারই অংশ হিসেবে গত ২৮ জুলাই ২০০০ তারিখে তিনি বাংলাদেশের প্রাচীনতম ঐতিহ্যবাহী মানবসেবামূলক প্রতিষ্ঠান আঞ্জুমান মুফিদুল ইসলামের সদস্য হিসেবে যোগদান করেন। তিনি আঞ্জুমান মুফিদুল ইসলাম এর ট্রাস্টি, সহ-সভাপতি, এ্যাডমিন এ্যান্ড কো-অর্ডিনেশন কমিটি-সহ বিভিন্ন কমিটির চেয়ারম্যান হিসেবে দীর্ঘদিন সততা ও নিষ্ঠার সাথে দায়িত্ব পালন করেন।



সম্পাদকীয়

সম্পাদকীয়

সুপ্রিয় পাঠক,

আঞ্জুমান মুফিদুল ইসলামের বন্ধু, স্বজন, শুভচিন্তক পাঠকদের জানাই শুভেচ্ছা। খুব সঙ্গত কারণে একটা দীর্ঘ সময় “আঞ্জুমান বার্তা” প্রকাশ করা সম্ভব হয়নি।

সেজন্য আমরা আন্তরিকভাবে দুঃখিত।

যদিও আঞ্জুমান মুফিদুল ইসলামের কাজ যথারীতি চলেছে। অনেক নতুন কাজ যুক্ত হয়েছে। আঞ্জুমান মুফিদুল ইসলামের অগ্রযাত্রা প্রতিদিনই বাড়ছে।

আঞ্জুমান জে আর টাওয়ার এখন দৃশ্যমান।

আঞ্জুমান জে আর টাওয়ার নির্মাণে মাননীয় প্রধানমন্ত্রী দশ কোটি টাকা অনুদান প্রদান করে সংগঠনটির প্রতি তার আস্থা ও ভালবাসা আবারও জানিয়ে দিলেন।

আঞ্জুমান মুফিদুল ইসলামের পক্ষ থেকে মাননীয় প্রধানমন্ত্রী শেখ হাসিনাকে জানাই কৃতজ্ঞতা।

আঞ্জুমান মুফিদুল ইসলামের নতুন সভাপতি নির্বাচিত হয়েছেন মুফলেহ আর ওসমানী। দুই হাজার সাল থেকে জনাব ওসমানী নিরলসভাবে মানুষের জন্য কাজ করে যাচ্ছেন। জনাব মুফলেহ আর ওসমানীর যোগ্য নেতৃত্বে আঞ্জুমানের অগ্রযাত্রা আরও দ্রুততর হবে বলে আমরা বিশ্বাস করি।

আঞ্জুমান বার্তা এখন থেকে আবারও নিয়মিত প্রকাশিত হবে। আল্লাহ সকলের মঙ্গল করুন।

খোদা হাফেজ।

মিজানী হেমেদ-

বার্ষিক সাধারণ সভা-২০১৯



গত ২৯ জুন ২০১৯ তারিখে ২৯১, ফকিরেরপুলস্থ আঞ্জুমান মুফিদুল ইসলামের অস্থায়ী প্রধান কার্যালয়ের সভা কক্ষে আঞ্জুমান মুফিদুল ইসলামের বিশেষ সাধারণ সভা, বার্ষিক সাধারণ সভা-২০১৯ ও জেনারেল কাউন্সিলের বিশেষ অধিবেশন অনুষ্ঠিত হয়েছে। বিশেষ সাধারণ সভায় আঞ্জুমানের মেমোরাভাম এ্যান্ড আর্টিকেলস অফ এ্যাসোসিয়েশনের গুরুত্বপূর্ণ কতিপয় সংশোধনী প্রস্তাব অনুমোদিত হয়। বিশেষ সাধারণ সভার পর অনুষ্ঠিত হয় জেনারেল কাউন্সিলের বিশেষ অধিবেশন। এ অধিবেশনে নির্বাচনে ভোটের পদ্ধতি নির্ধারিত হয় এবং তারপর নির্বাচন কমিশন কর্তৃক নির্বাচন সংক্রান্ত কার্যক্রম সম্পন্ন হয়। এরপর বার্ষিক সাধারণ সভা-২০১৯ অনুষ্ঠিত হয়। এতে অর্থ কমিটির চেয়ারম্যান আলহাজ্ব কাজী আবুল বাশার কর্তৃক পেশকৃত আঞ্জুমানের ২০১৯-২০২০ অর্থ বছরের প্রস্তাবিত বাজেট অনুমোদিত হয়। এছাড়া ২০১৮-২০১৯ অর্থ বছরের নির্ধারিত হিসাব সংক্রান্ত প্রতিবেদন ও ২০১৮-২০১৯ অর্থ বছরের বহিঃনিরীক্ষক নিয়োগ প্রস্তাব উপস্থাপন করেন অডিট কমিটির চেয়ারম্যান জনাব এম হাফিজউদ্দিন খান। উপস্থাপিত রিপোর্ট সভা কর্তৃক গৃহীত হয় এবং বহিঃনিরীক্ষক নিয়োগ প্রস্তাব অনুমোদিত হয়। এ সভায় নির্বাহী পরিচালক জনাব মোঃ আব্দুল জলিল কর্তৃক শোক প্রস্তাব ও বিগত অর্থ বছরের কার্যক্রম সংক্রান্ত প্রতিবেদনও সভায় গৃহীত হয়। পুরো অনুষ্ঠানটি পরিচালনা করেন ট্রাস্টি জনাব মোহাম্মদ আজিম বখশ এবং তিনটি সভায় সভাপতিত্ব করেন সংস্থার ভারপ্রাপ্ত সভাপতি জনাব মুফলেহ আর ওসমানী।


আঞ্জুমান মুফিদুল ইসলাম বার্ষিক সাধারণ সভা-২০১৯ এর ছবি।



আঞ্জুমান মুফিদুল ইসলাম বার্ষিক সাধারণ সভা-২০১৯ এ বক্তব্য রাখছেন অনুষ্ঠানের সভাপতি জনাব মুফলেহ আর ওসমানী।



আঞ্জুমান মুফিদুল ইসলামের জেনারেল কাউন্সিলের বিশেষ অধিবেশন অনুষ্ঠান সঞ্চালনা করছেন আঞ্জুমানের ট্রাস্টি, জনাব মোহাম্মদ আজিম বখ্শ।



আঞ্জুমান মুফিদুল ইসলাম বার্ষিক সাধারণ সভা-২০১৯ অনুষ্ঠানে অডিট রিপোর্ট পেশ করছেন ট্রাস্টি জনাব এম হাফিজ উদ্দিন খান (চেয়ারম্যান অডিট কমিটি)।



আঞ্জুমান মুফিদুল ইসলামের জেনারেল কাউন্সিলের বিশেষ অধিবেশনে বক্তব্য রাখছেন নির্বাচন কমিশনের চেয়ারম্যান রাষ্ট্রদূত (অবঃ) আলহাজ্ব মোহাম্মদ মোহসীন।



আঞ্জুমান মুফিদুল ইসলামের জেনারেল কাউন্সিলের বিশেষ অধিবেশনে আঞ্জুমানের সভাপতি নির্বাচিত হওয়ায় জনাব মুফলেহ আর ওসমানীকে ফুল দিয়ে শুভেচ্ছা জানাচ্ছেন ট্রাস্টি জনাব লায়ন আব্দুর রশিদ রাশেদ (এম.জে.এফ)।



আঞ্জুমান মুফিদুল ইসলামের জেনারেল কাউন্সিলের বিশেষ অধিবেশন-২০১৯-এর নির্বাচনের নির্বাচন কমিশন এবং নব-নির্বাচিত সভাপতি, ট্রাস্টি ও সদস্যগণ।

আঞ্জুমান মুফিদুল ইসলাম বার্ষিক সাধারণ সভা-২০১৯ এর ছবি।



আঞ্জুমান মুফিদুল ইসলামের বার্ষিক সাধারণ সভা-২০১৯ এ বক্তব্য রাখছেন আঞ্জুমানের নির্বাহী পরিচালক জনাব মোঃ আব্দুল জলিল।



আঞ্জুমান মুফিদুল ইসলাম বার্ষিক সাধারণ সভা-২০১৯ এ উপস্থিত সদস্যদের একাংশ।



আঞ্জুমান মুফিদুল ইসলাম বার্ষিক সাধারণ সভা-২০১৯ প্রশ্ন করছেন আঞ্জুমানের জীবন সদস্য জনাব নাজমা সামস।



আঞ্জুমান মুফিদুল ইসলাম বার্ষিক সাধারণ সভা-২০১৯ প্রশ্ন করছেন আঞ্জুমানের জীবন সদস্য জনাব ডাঃ মাকসুদুর রহমান।

আঞ্জুমানের উদ্যোগে বাংলাদেশ প্রকৌশল বিশ্ববিদ্যালয়ে বৃত্তি প্রদান



“প্রকৌশলী আবুল মনসুর শওকত আলী” বৃত্তির ৫০০০/- (পাঁচ হাজার) টাকার চেক গ্রহণ করছেন, পুর কৌশলের ছাত্র মোঃ সাজিদ হাসান দীপ্র।



“প্রকৌশলী আবুল মনসুর শওকত আলী” বৃত্তির প্রদান অনুষ্ঠানে আঞ্জুমান মুফিদুল ইসলামের প্রতিনিধিদের সাথে বৃত্তি প্রাপ্ত ছাত্র/ছাত্রীবন্দ।

গত ১৪/০৯/১৯ ইং তারিখে, আঞ্জুমান আবুল মনসুর শওকত আলী ও সাইদা শওকত পারিবারিক ট্রাস্ট ফান্ডের অর্জিত মুনফা, দাতার শর্তানুযায়ী বাংলাদেশ প্রকৌশল বিশ্ববিদ্যালয়ের পুর কৌশল বিভাগের ৬ জন দরিদ্র-মেধাবী ছাত্র-ছাত্রীদের মাঝে “প্রকৌশলী আবুল মনসুর শওকত আলী” বৃত্তি বাবদ প্রত্যেককে ৫০০০/- (পাঁচ হাজার) টাকার চেক প্রদান করা হয়েছে। উক্ত বৃত্তি প্রদান অনুষ্ঠানে পুর কৌশল বিভাগের বিভাগীয় প্রধান প্রফেসর ড. আহসানুল কবীর এবং আঞ্জুমান মুফিদুল ইসলামের ট্রাস্টি ও কো-অর্ডিনেশন কমিটির চেয়ারম্যান জনাব মোহাম্মদ আজিম বখশ এবং মাধ্যমিক কারিগরি ও সাধারণ শিক্ষা কমিটির চেয়ারম্যান, জনাব মোঃ খলিলুর রহমান উপস্থিত ছিলেন।

আজ্জুমান ইব্রাহীম মোহাম্মদ ডুপ্পে বালক হোমে অডিটোরিয়াম কাম-ডাইনিং হল উদ্বোধন



প্রধান অতিথিকে ক্রেস্ট তুলে দিচ্ছেন বালক হোম কমিটির চেয়ারম্যান এবং অর্থ কমিটির চেয়ারম্যান।



বক্তব্য দিচ্ছেন অনুষ্ঠানের প্রধান অতিথি জনাব রাষ্ট্রদূত (অব:) মুফলেহ আর ওসমানী।



উদ্বোধনী অনুষ্ঠানে উপস্থিত সদস্যদের একাংশ



হোমের নিবাসীদের একাংশ

গত ১২ সেপ্টেম্বর ২০১৯ তারিখে ঢাকার গেভারিয়ায় অবস্থিত, আজ্জুমান শেঠ ইব্রাহীম মোহাম্মদ ডুপ্পে বালক হোমে (এতিমখানায়) অডিটোরিয়াম কাম-ডাইনিং হলের উদ্বোধন করেন সংস্থার সভাপতি রাষ্ট্রদূত (অব:) মুফলেহ আর ওসমানী। এ সময় বালক হোম কমিটির চেয়ারম্যান জনাব শহিদুল্লাহ মিনু এবং সংস্থার অন্যান্য ট্রাস্টি, সহ-সভাপতি ও সদস্যবৃন্দ উপস্থিত ছিলেন।

আজ্জুমান মোখলেছুর রহমান পলিটেকনিক ইন্সটিটিউটের শিক্ষার্থীদের বিদায়ী সম্বর্ধনা



প্রধান অতিথিকে ফুল দিয়ে শুভেচ্ছা জানাচ্ছে ইন্সটিটিউটের শিক্ষার্থীরা



প্রতিষ্ঠানের শিক্ষকদের সাথে বিদায়ী শিক্ষার্থীরা

গত ২২ জুন ২০১৯ তারিখে আজ্জুমান মোখলেছুর রহমান পলিটেকনিক ইন্সটিটিউটের ১ম ব্যাচ ২০১৫-১৬ শিক্ষাবর্ষের ছাত্র/ছাত্রীদের বিদায় সম্বর্ধনা ও দোয়া মাহফিল অনুষ্ঠিত হয়। উক্ত অনুষ্ঠানে প্রধান অতিথি হিসেবে উপস্থিত ছিলেন পলিটেকনিক ইন্সটিটিউট কমিটির সদস্য ড. মাহবুবুল হক। অনুষ্ঠানে সভাপতিত্ব করেন প্রতিষ্ঠানের চেয়ারম্যান জনাব মোঃ মোখলেছুর রহমান।

আঞ্জুমান এ.বি.এম.জি কিবরিয়া বালিকা হোমে শোক দিবস পালন



অনুষ্ঠানে উপস্থিত অতিথিবৃন্দ।



হোমের কর্মকর্তা কর্মচারী ও নিবাসীবৃন্দ।

গত ১৫ আগস্ট ২০১৯ তারিখে আঞ্জুমান এ.বি.এম.জি কিবরিয়া বালিকা হোম (এতিমখানা) কমিটি কর্তৃক জাতির জনক বঙ্গবন্ধু শেখ মুজিবুর রহমান-এর ৪৪ তম শাহাদাৎ বার্ষিকী পালিত হয়। এ উপলক্ষে হোমে আলোচনা সভা ও দোয়া মাহফিলের আয়োজন করা হয়। এছাড়া বঙ্গবন্ধুর জীবনীর উপর কবিতা আবৃত্তি ও গান পরিবেশন করা হয়। বঙ্গবন্ধু ও তাঁর পরিবারের নিহত সকল সদস্যদের আত্মার মাগফেরাত কামনা করে বিশেষ দোয়া করা হয়। উক্ত অনুষ্ঠানে আঞ্জুমান এবিএমজি কিবরিয়া বালিকা হোম কমিটির চেয়ারম্যান জনাব মোরশেদ আহমেদ চৌধুরী, সদস্য লায়ন আব্দুর রশিদ রাশেদ, জনাব শামসুদ্দিন আহমেদ, জনাব বজলুর রহমান লিটন ও হোমের কর্মকর্তা কর্মচারীবৃন্দ উপস্থিত ছিলেন।

জাতীয় শোক দিবস ২০১৯ পালন

১৫ আগস্ট, “জাতীয় শোক দিবস” উদ্‌যাপন-২০১৯ উপলক্ষে আঞ্জুমান মুফিদুল ইসলাম টেকনিক্যাল ইন্সটিটিউট, গোপিবাগে-এক আলোচনা ও দোয়া মাহফিলের আয়োজন করা হয়। অনুষ্ঠানের সভাপতি, অধ্যক্ষ জনাব মির্জা আবদুল হাই তাঁর বক্তব্যে বঙ্গবন্ধুর আদর্শ, নির্ভীকতা, তাঁর সাহসিকতা ও নেতৃত্বদানের ক্ষমতার কথা শিক্ষার্থীদের মাঝে তুলে ধরেন। অনুষ্ঠানের শেষে ১৫ আগস্ট-এ নিহত সকলের আত্মার মাগফেরাত ও আঞ্জুমান মুফিদুল ইসলাম-এর মঙ্গল কামনা করে দোয়া করা হয়। উক্ত অনুষ্ঠানে ইন্সটিটিউট-এর সকল শিক্ষার্থী, শিক্ষক ও কর্মচারীবৃন্দ উপস্থিত ছিলেন।



জাতীয় শোক দিবস ২০১৯ অনুষ্ঠানে উপস্থিত শিক্ষক-শিক্ষার্থীদের একাংশ।

মরহুম জামিলুর রহমান-এর মৃত্যুবার্ষিকী পালন



গত ৫ সেপ্টেম্বর ২০১৯ তারিখে বেলা ১১ ঘটিকায় আঞ্জুমান জামিলুর রহমান ইসলামিয়া জুনিয়র হাই স্কুল প্রাঙ্গণে মরহুম জামিলুর রহমানের মৃত্যু বার্ষিকী উপলক্ষে আলোচনা সভা ও দোয়া মাহফিলের আয়োজন করা হয়। উক্ত অনুষ্ঠানে স্কুলের প্রধান শিক্ষক তাহমিনা খাতুন প্রয়াত জামিলুর রহমান সম্পর্কে আলোচনা করেন। আলোচনা শেষে তাঁর ও তাঁর পরিবারের মৃত সদস্যদের রুহের মাগফেরাত কামনা করে দোয়া পরিচালনা করেন স্কুলের ধর্মীয় শিক্ষক জনাব মোঃ ওমর আলি।

জাতির জনকের মৃত্যুবার্ষিকী ও জাতীয় শোক দিবস পালন

দূর্যোগ মোকাবিলায় মৌলিক ও প্রাথমিক চিকিৎসা এবং দূর্যোগ ঝুঁকি হ্রাস বিষয়ক প্রশিক্ষণ কর্মশালা



জাতীয় শোক দিবসের অনুষ্ঠানে উপস্থিত শিক্ষক-শিক্ষার্থীদের একাংশ।

আঞ্জুমান মুফিদুল ইসলাম টেকনিক্যাল ইন্সটিটিউট-এর ব্যবস্থাপনায় গোপীবাগে ২১ সেপ্টেম্বর হতে ২৩ সেপ্টেম্বর ২০১৯ পর্যন্ত ঢাকা সিটি রোড ক্রিসেন্ট ইউনিট (ঢাকা-৬)-এর কো-অর্ডিনেটর এডভোকেট রোকসানা আমিন নদী-এর সার্বিক সহযোগিতা এবং জনাব শহিদ উল্লাহ মিনু কাউন্সিলর, ওয়ার্ড-৪৬ (ঢাকা-৬)-এর প্রশাসনিক সমন্বয়ে ৩ দিন ব্যাপী দূর্যোগ মোকাবিলায় মৌলিক ও প্রাথমিক চিকিৎসা এবং দূর্যোগ ঝুঁকি হ্রাস বিষয়ক প্রশিক্ষণ কর্মশালা অনুষ্ঠিত হয়। উক্ত কর্মশালায় অত্র ইন্সটিটিউট-এর ৫৩ জন শিক্ষার্থী অংশগ্রহণ করে। গত ২৩/০৯/২০১৯ তারিখে উক্ত প্রশিক্ষণ কর্মশালার সমাপনী অনুষ্ঠানে সভাপতিত্ব করেন আঞ্জুমানের ট্রাস্টি, অধ্যাপক মোঃ খলিলুর রহমান। প্রধান অতিথি হিসেবে উপস্থিত ছিলেন আঞ্জুমানের ট্রাস্টি জনাব শহিদুল্লাহ মিনু এবং বিশেষ অতিথি সংস্থার ব্যবস্থাপনা পরিষদের সদস্য ইঞ্জিনিয়ার মোঃ রুহুল আমিন, জনাব আবুল কাশেম, আঞ্জুমানের উপ-পরিচালক (প্রশাসন) জনাব ডা: আব্দুর রহিম। এছাড়া ইন্সটিটিউট-এর সকল শিক্ষক-শিক্ষার্থীবৃন্দ উপস্থিত ছিলেন।



জাতীয় শোক দিবসের আলোচনা সভা।



বক্তব্য রাখছেন সমাপনী অনুষ্ঠানের সভাপতি আঞ্জুমানের ট্রাস্টি, অধ্যাপক মোঃ খলিলুর রহমান।

১৫ আগস্ট ২০১৯ বৃহস্পতিবার আঞ্জুমান জামিলুর রহমান ইসলামিয়া জুনিয়র হাই স্কুল মিলনায়তনে জাতির জনক বঙ্গবন্ধু শেখ মজিবুর রহমানের ৪৪-তম মৃত্যুবার্ষিকী ও জাতীয় শোক দিবস পালন করা হয়। পবিত্র কোরআন তেলাওয়াতের মাধ্যমে অনুষ্ঠানের কার্যক্রম শুরু হয়। শোক দিবস উপলক্ষে জুনিয়র শাখার শিক্ষার্থীরা দেওয়ালিকা প্রকাশ করে। অনুষ্ঠানে জাতির জনকের অবদান তুলে ধরে বক্তব্য রাখেন সহকারী শিক্ষক মোঃ ওমার আলি, আমেনা খাতুন এবং প্রধান শিক্ষক তাহমিনা খাতুন। অনুষ্ঠানে শেষে জাতির জনক বঙ্গবন্ধু শেখ মজিবুর রহমান ও তাঁর পরিবারের নিহত সকল সদস্যের আত্মার মাগিফেরাত কামনা করে দোয়া করা হয়।



বক্তব্য রাখছেন সমাপনী অনুষ্ঠানের প্রধান অতিথি আঞ্জুমানের ট্রাস্টি, জনাব শহিদ উল্লাহ মিনু।

আঞ্জুমান এ.বি.এম.জি কিবরিয়া বালিকা হোমে নিবাসীদের মাঝে নতুন পোষাক বিতরণ



নতুন পোষাক প্রদান অনুষ্ঠানে উপস্থিত অতিথিবৃন্দ



নতুন পোষাকে হোমের নিবাসীগণ।

গত ১ জুন ২০১৯ তারিখে আঞ্জুমান এ.বি.এম.জি কিবরিয়া বালিকা হোমে পবিত্র ঈদ-উল ফিতর উপলক্ষে নিবাসীদের জন্য মাননীয় প্রধানমন্ত্রী শেখ হাসিনার নিকট আত্মীয় জনাব নজীর আহমেদ কর্তৃক প্রদত্ত, নতুন পোষাক, জুতা ও কসমেটিকস বিতরণ করা হয়। উক্ত অনুষ্ঠানে আঞ্জুমান এ.বি.এম.জি কিবরিয়া বালিকা হোম কমিটির চেয়ারম্যান জনাব মোরশেদ আহমেদ চৌধুরী, সদস্য আলহাজ্ব নাসির উল্লাহ, জনাব বজলুর রহমান লিটন ও হোমের কর্মকর্তা কর্মচারীবৃন্দ উপস্থিত ছিলেন।

আঞ্জুমান ডাঃ রোকসানা হুদা বালিকা হোমে ঈদ-উল- আযহা উপলক্ষে নিবাসীদের মাঝে নতুন পোষাক বিতরণ



আঞ্জুমান ডাঃ রোকসানা হুদা বালিকা হোম কমিটির সদস্য সচিব জনাব মিতালী হোসেন হোমের নিবাসীদের মাঝে নতুন পোষাক বিতরণ করেন।

আঞ্জুমান এ.বি.এম.জি কিবরিয়া বালিকা হোম এবং আঞ্জুমান ডাঃ রোকসানা হুদা বালিকা হোমে (এতিমখানায়) বিশেষ দোয়া মাহফিল



আঞ্জুমান এ.বি.এম.জি কিবরিয়া বালিকা হোমের নিবাসীরা দোয়া করছেন।



আঞ্জুমান ডাঃ রোকসানা হুদা বালিকা হোমের নিবাসীরা দোয়া করছেন।

গত ০২-০৬-১৯ তারিখ ২৭ শে রমজান রবিবার আঞ্জুমান এ.বি.এম.জি কিবরিয়া বালিকা হোম এবং আঞ্জুমান ডাঃ রোকসানা হুদা বালিকা হোমের নিবাসীরা যথাক্রমে বঙ্গবীর জেনারেল এম এ জি ওসমানী ও তাঁর পিতা মাতার, অধ্যাপক ডঃ শিরীন হাসান ওসমানী, জনাব মুফলেহ রহমান ওসমানী, মরহুম রওশন কামার, মরহুম জোহরা বেগম, মরহুম বিচারপতি খন্দকার মোহাম্মদ হাসান ও মরহুম মোখলেসুর রহমান চৌধুরী এবং আঞ্জুমান মুফিদুল ইসলামের প্রাণ্ডন ও বর্তমান সভাপতিবৃন্দ, সদস্যবৃন্দ আঞ্জুমান মুফিদুল ইসলামে যারা ট্রাস্ট ফান্ড দিয়েছেন, দান করেছেন, বিভিন্নভাবে আঞ্জুমানকে সহায়তা করেছেন এবং বঙ্গবীর জেনারেল এমএজি ওসমানীর আত্মীয় স্বজনসহ সকলের রুগহের মাগফেরাত কামনায় সূরা ফাতিহা, সূরা ইয়াসিন ও সূরা মুলক সহযোগে দোয়া করা হয়েছে।

আঞ্জুমান আজিজুল ইসলাম বালিকা হোম এতিমখানা কমিটির প্রথম সভা অনুষ্ঠিত



গত ১৪-০৯-২০১৯ আঞ্জুমান আজিজুল ইসলাম বালিকা হোম এতিমখানায় প্রথম সভা অনুষ্ঠিত হয়। সভায় উপস্থিত ছিলেন কমিটির চেয়ারম্যান জনাব মফিজুল ইসলাম চৌধুরী, সদস্য জনাব কে এ আব্দুল্লাহ ও হোম সুপার জনাব নূরুন্নাহার ইয়াসমিন।

আঞ্জুমান ডাঃ রোকসানা হুদা বালিকা হোম (এতিমখানায়) বিশেষ দোয়া অনুষ্ঠান



গত ২২-০৮-১৯ ও ২৩-০৮-১৯ বাদ আছর হোমের নিবাসীরা যথাক্রমে মরহুমা ফারহাতুল্লেছা বেগম ও মরহুম আহমেদুর রহমান-এর রুহের মাগফেরাত কামনায় সূরা ফাতিহা, সূরা ইয়াসিন সূরা রহমান ও সূরা মুলক সহযোগে দোয়া করেছে।

ড্রাইভার ও ক্যারিয়ারদের মাঝে পোষাক বিতরণ



গত ০৮ জুলাই ২০১৯ তারিখে সংস্থার ট্যাসপোর্ট এ্যান্ড বেরিয়াল কমিটির চেয়ারম্যান, জনাব লায়ন আব্দুর রশিদ রাশেদ (এম.জে.এফ) আঞ্জুমান মুফিদুল ইসলামে কর্মরত সকল ড্রাইভার ও ক্যারিয়ারদের মাঝে নতুন পোষাক বিতরণ করেন।

জেলা শাখার সংবাদ

চট্টগ্রাম জেলা শাখা



গত ২০-০৭-২০১৯ তারিখে আঞ্জুমান মুফিদুল ইসলাম চট্টগ্রাম শাখার সভাপতি সিএমপি কমিশনার মোঃ মাহাবুবুর রহমান বিপিএম, পিপিএম-এর সভাপতিত্বে পুলিশ লাইন সম্মেলন কক্ষে আঞ্জুমান মুফিদুল ইসলাম চট্টগ্রাম শাখার ৩৯তম বার্ষিক সাধারণ সভা অনুষ্ঠিত হয়। সভার শুরুতে পবিত্র কোরআন তেলাওয়াত ও প্রয়াত সদস্যদের জন্য শোক প্রস্তাব গৃহিত হয়। সভায় বার্ষিক প্রতিবেদন ও বাজেট উপস্থাপন করেন শাখার সাধারণ সম্পাদক জনাব নজমুল হক চৌধুরী, এবং বার্ষিক হিসাব বিবরণী উপস্থাপন করেন কোষাধ্যক্ষ মোরশেদুল আলম কাদেরী। উক্ত সভায় সর্বসম্মতিক্রমে বার্ষিক প্রতিবেদন ও বাজেট অনুমোদিত হয় এবং জুলাই ২০১৯ থেকে জুন ২০১৯ পর্যন্ত ২৪ সদস্য বিশিষ্ট নির্বাহী কমিটি ঘোষণা করা হয়।

বিনাইদহ জেলা শাখা



লাশ সংরক্ষণ ফ্রিজের উদ্বোধন করছেন বিনাইদহ জেলার জেলা প্রশাসক জনাব সরোজ কুমার নাথ এবং সদর উপজেলার নির্বাহী কর্মকর্তা জনাব শামী ইসলাম।



বিনাইদহ শাখার সহজ কোরআন শিক্ষা ও ডেড বডি সংরক্ষণ ফ্রিজের শুভ উদ্বোধন উপলক্ষে দোয়া ও আলোচনা সভা অনুষ্ঠানে বিনাইদহ জেলার জেলা প্রশাসক সরোজ কুমার নাথ ও সদর উপজেলার নির্বাহী কর্মকর্তা জনাব শামী ইসলাম।

গত ১৪ সেপ্টেম্বর আঞ্জুমান মুফিদুল ইসলাম বিনাইদহ শাখার কার্যালয়ে আয়োজিত সহজ কোরআন শিক্ষা পবিত্র কোরআনের ছবক ও ডেড বডি সংরক্ষণ ফ্রিজের শুভ উদ্বোধন উপলক্ষে দোয়া ও আলোচনা সভা অনুষ্ঠিত হয়। সভায় প্রধান অতিথি ছিলেন বিনাইদহ জেলার জেলা প্রশাসক সরোজ কুমার নাথ, বিশেষ অতিথি ছিলেন অতিরিক্ত জেলা ম্যাজিস্ট্রেট রবিউল ইসলাম, ইসলামিক ফাউন্ডেশনের উপ-পরিচালক আব্দুল হামিদ খান ও সদর উপজেলার নির্বাহী কর্মকর্তা জনাব শামী ইসলাম। উক্ত অনুষ্ঠানে সভাপতিত্ব করেন বিনাইদহ শাখা আঞ্জুমানের চেয়ারম্যান অধ্যক্ষ আমিনুর রহমান টুকু।

পাবনা জেলা শাখা



আঞ্জুমান মুফিদুল ইসলাম পাবনা জেলা শাখার উদ্যোগে দুস্থ অসহায়দের মধ্যে গত ৭ আগস্ট ২০১৯ তারিখে হুইল চেয়ার, ক্রাচলার্ট ও আটা বিতরণ করা হয়। এ সময় জেলা প্রশাসক কবীর মাহমুদ ও অতিরিক্ত জেলা ম্যাজিস্ট্রেট মোখলেছুর রহমান এবং শাখার চেয়ারম্যান আলহাজ্ব মোঃ মোশারফ হোসেন মোল্লা উপস্থিত ছিলেন।

কুমিল্লা জেলা শাখা



গত ০৭ জুন ২০১৯ তারিখে আঞ্জুমান মুফিদুল ইসলামের ব্রাঞ্চ এ্যাফেয়ার্স এ্যান্ড কো-অর্ডিনেশন কমিটির চেয়ারম্যান জনাব মোহাম্মদ আজিম বখশ ও সদস্য জনাব আলহাজ্ব মোহাম্মদ নাসির উল্লাহ কুমিল্লা জেলা শাখা পরিদর্শন করেন। উক্ত প্রতিনিধি দল কুমিল্লা শাখার নির্বাহী কমিটির সাথে এক মতবিনিময় সভায় অংশগ্রহণ করেন এবং সেখানে শাখার জমিতে করণীয় বিষয়ে আলোচনা করেন। এরপর প্রতিনিধি দল টিকার চরে অবস্থিত শাখার কবরস্থান এবং মধ্যম আশ্রাফপুরে অবস্থিত ফ্রি সেলাই প্রশিক্ষণ কেন্দ্র পরিদর্শন করেন।

কোরবানির পশুর চামড়া সংগ্রহ-২০১৯



কোরবানির পশুর চামড়া সংগ্রহ কমিটির সভায় বক্তব্য রাখছেন কমিটির চেয়ারম্যান জনাব আলহাজ্ব মোহাম্মদ আসলাম।



কোরবানির পশুর চামড়া সংগ্রহের কাজ চলছে।



দানে প্রাপ্ত চামড়া সংরক্ষণের কাজ চলছে।



দানে প্রাপ্ত চামড়া সংরক্ষণ পর্যবেক্ষণ করছেন কমিটির চেয়ারম্যান জনাব আলহাজ্ব মোহাম্মদ আসলাম ও সদস্য আলহাজ্ব আবদুস সালাম।

সম্প্রতি আঞ্জুমান মুফিদুল ইসলামের কোরবানির পশুর চামড়া সংগ্রহ কমিটির এক সভায় কমিটির চেয়ারম্যান আলহাজ্ব মোহাম্মদ আসলাম তাঁর বক্তব্যে বলেন, গত ১২ আগস্ট ২০১৯ ইং তারিখে অনুষ্ঠিত মুসলিম বিশ্বের বৃহত্তর ধর্মীয় অনুষ্ঠান ইদ-উল আযহা অনুষ্ঠিত হয়। এ উপলক্ষে আঞ্জুমান মুফিদুল ইসলামের ধারাবাহিক বার্ষিক কার্যক্রম কোরবানির পশুর চামড়া সংগ্রহে যারা তাঁদের কোরবানিকৃত পশুর চামড়া আঞ্জুমানকে দান করে সহায়তা করেছেন তাঁদেরকে জানাই আন্তরিক শুভেচ্ছা ও মোবারকবাদ। গতবারের চেয়ে এইবার সহস্রাধিক চামড়া বেশি পাওয়া গেছে যা আঞ্জুমানের প্রতি আপনাদের আস্থার বহিঃপ্রকাশ। আমি আশাকরি দানের এই ঋণাত্মকতা অব্যাহত রেখে আঞ্জুমান মুফিদুল ইসলামের অন্যান্য সকল সেবামূলক কাজে আপনারা দানের মাধ্যমে শরিক হবেন। এছাড়া তিনি বলেন এই বিশাল কর্মযজ্ঞে সংস্থার যে সকল সদস্য, স্বেচ্ছাসেবক ও শতানুধ্যায়ী স্বেচ্ছাশ্রমের মাধ্যমে সহযোগিতা করেছেন তাঁদের প্রতি বিশেষ কৃতজ্ঞতা প্রকাশ করছি। এছাড়া শুভেচ্ছা ও অভিনন্দন জানিয়েছেন আঞ্জুমানের সকল কর্মকর্তা কর্মচারীবৃন্দকে, যারা তাঁদের ঈদের আনন্দে বাড়িতে না গিয়ে দায়িত্বের প্রতি সম্মান জানিয়ে কোরবানির পশুর চামড়া সংগ্রহের কাজে স্বেচ্ছাকৃতভাবে অংশ নিয়েছেন।



দাতা মিসেস সামিম আনোয়ারি জামানের নিকট হতে এ্যাম্বুলেন্সের চার্জ গ্রহণ করছেন সংস্থার ট্রাস্টি জনাব মোহাম্মদ আজিম বখশ।

গত ৭ সেপ্টেম্বর ২০১৯ তারিখে মিসেস সামিম আনোয়ারি জামান একটি শীতাতপ নিয়ন্ত্রিত এ্যাম্বুলেন্স আঞ্জুমান মুফিদুল ইসলামকে দান করেন। উক্ত এ্যাম্বুলেন্সটি দাতার নিকট থেকে গ্রহণ করেন সংস্থার ট্রাস্টি ও কো-অর্ডিনেশন কমিটির চেয়ারম্যান জনাব মোহাম্মদ আজিম বখশ।



গত ২৬ সেপ্টেম্বর ২০১৯ তারিখে জনাব শামসুন নাহার বেগম, সাবেক জেলা জজ ১০,০০,০০০/- (দশ লক্ষ) টাকার একটি ট্রাস্ট ফান্ড আঞ্জুমান মুফিদুল ইসলামের নির্বাহী পরিচালকের নিকট দান করেন। যার নাম “আঞ্জুমান শামসুন নাহার ও ইসমাইল মেমোরিয়াল ট্রাস্ট ফান্ড”। প্রতি আর্থিক বছর শেষে অর্জিত মুনাফা দাতার শর্তানুসারে ব্যয় করা হবে। এ সময় আঞ্জুমানের ট্রাস্টি জনাব শামসুল হক, সাবেক জেলা ও দায়রা জজ উপস্থিত ছিলেন।

আঞ্জুমানে দান করতে মানুষের আগ্রহ তুলনামূলকভাবে বেশি। ২০০০ সালের প্রথম দিকে দেখা যায় কিছু হৃদয়বান মানবসেবক ব্যক্তি আঞ্জুমানকে অর্থ দান করতে ইচ্ছুক, কিন্তু তাঁদের দেয়া শর্তে আঞ্জুমানকে খরচ করতে হবে। তখন আঞ্জুমান মুফিদুল ইসলাম ট্রাস্ট ফান্ড নামে একটি স্কীম চালু করে। এই ফান্ডে যাঁরা অর্থ দান করেন তাঁদের দানকৃত টাকা ব্যাংকে ফিক্সড ডিপোজিটে রাখা হয়। এই টাকার লভ্যাংশ কিভাবে খরচ করতে হবে তা নির্ধারণ করে দেন দাতা। যে কেউ ৫ লক্ষ টাকা বা তার বেশি দান করে ট্রাস্ট ফান্ড গঠন করতে পারেন। এই অর্থ ব্যাংকে স্থায়ী আমানত হিসেবে গচ্ছিত রাখা হয়। এখান থেকে প্রাপ্ত লভ্যাংশের ৫% সার্ভিস চার্জ হিসেবে আঞ্জুমান প্রাপ্য; ২০% মূলধনের সাথে যোগ হয় এবং বাকি ৭৫% দাতার ইচ্ছানুযায়ী খরচ করা হয়। বর্তমানে আঞ্জুমানের ১৪২ টি ট্রাস্ট ফান্ড রয়েছে।

আঞ্জুমান মুফিদুল ইসলামে মুক্ত হস্তে দান করুন ও আর্ত-মানবতার সেবায় এগিয়ে আসুন।

আঞ্জুমানের বর্তমানের কার্যক্রমসমূহ

- * বে-ওয়ারিশ লাশ দাফন।
- * ঢাকা মনানগরীতে ফ্রি (নন এসি) এ্যাম্বুলেন্স সার্ভিস প্রদান (জাতি-ধর্ম নির্বিশেষে)।
- * ৯টি মুসলিম এতিমখানা (বালক, বালিকা) পরিচালনা।
- * ২টি জুনিয়র হাই স্কুল ও ২টি টেকনিক্যাল ইস্টিটিউট এবং ১টি পলিটেকনিক ইস্টিটিউট পরিচালনা।
- * ঈদে দুস্থ মানুষের মাঝে নতুন কাপড় বিতরণ।
- * দরিদ্র বালকদের বিনামূল্যে সুনুতে খাওয়ার ব্যবস্থাকরণ।
- * বিশ্ব ইজতেমায় অসুস্থ মুসল্লিদের বিনামূল্যে চিকিৎসার ব্যবস্থাকরণ।
- * বিভিন্ন দুর্ঘটনার সময় দুর্গত এলাকায় ত্রাণকার্য পরিচালনা ও চিকিৎসা প্রদান।
- * ঢাকার বইরে লাশ পরিবহনের জন্য শীতাতপ নিয়ন্ত্রিত লাশবাহী গাড়ির ব্যবস্থাকরণ।
- * দুস্থ ও বয়স্কদের মাসিক ভাতা প্রদান।
- * অসচ্ছল মুক্তিযোদ্ধাদের মাসিক ভাতা প্রদান।
- * দাফনসেবা প্রকল্পের আওতায় লাশ গোসল ও দাফন।

দান প্রদানের পদ্ধতি

যাকাত, কোরবানির পশুর চামড়া বা তার মূল্য, ফেতরা ছদকা, কাফফারা ও দান আঞ্জুমান মুফিদুল ইসলামের নামে ক্রসড চেক, পে-অর্ডার, ব্যাংক ড্রাফট, মোবাইল ব্যাংকিং ও বিকাশ-এর মাধ্যমে বা নগদ টাকায় প্রদান করা যায়। প্রাপ্তি রশিদ পেতে হলে দানের বিবরণসহ দাতা পুরো নাম-ঠিকানা আঞ্জুমানের ফকিরেরপুল কার্যালয়ে নির্বাহী পরিচালকের বরাবর পাঠিয়ে দিতে হবে।

উদাত্ত আহ্বান

জনগণের প্রদত্ত সাহায্যই আঞ্জুমানের শক্তি। আপনি সাহায্য করুন, অনেকে উৎসাহিত করুন। দানের জন্য রশিদ নিন। আপনার প্রদত্ত দান, যাকাতের টাকা, কোরবানির পশুর চামড়া বা তার বিক্রয়লব্ধ অর্থ ইত্যাদি আঞ্জুমানের ফকিরেরপুল, গেভারিয়া, কাকরাইল, মুগদাপাড়া অথবা তেজগাঁও কার্যালয়ে রশিদের মাধ্যমে সরাসরি জমা দিতে পারেন। যে কোন সময় টেলিফোনে বা লোক মারফত সংবাদ দিলে আঞ্জুমান প্রতিনিধি রশিদের মাধ্যমে আপনার দান সংগ্রহ করবেন। এ সাহায্যের জন্য আল্লাহ তায়ালার রহমতে নিশ্চয়ই আপনার জন্য পরকালে থাকবে বৃহৎ প্রাপ্তি।

আঞ্জুমান মুফিদুল ইসলাম

(মানবসেবার জন্য স্বাধীনতা পুরস্কারপ্রাপ্ত সংস্থা)

অস্থায়ী প্রধান কার্যালয়

২৯১ ফকিরেরপুল, ঢাকা-১০০০, ফোন: ৭১৯১৮৮৯
e-mail: anjuman.m.i.bd@gmail.com, Website: www.anjumanmibd.org

কাকরাইল কার্যালয়/সেবাকেন্দ্র

আঞ্জুমান জে আর টাওয়ার, ৪২, আঞ্জুমান মুফিদুল ইসলাম রোড, কাকরাইল, ঢাকা
ফোন: ৯৩৩৬৬১১/৯৩৪৬৯৭০

গেভারিয়া সেবাকেন্দ্র

৫, এস কে দাস রোড, গেভারিয়া, ঢাকা-১২০৪, ফোন: ৪৭৪৪১৬৬০/৪৭৪৪০৭৮৬

মুগদাপাড়া সেবাকেন্দ্র

৩২১, উত্তর মুগদাপাড়া, ঢাকা, ফোন: ৭২৭৪৪৩৫/৭২৭২৭০৫

বিকাশ হিসাব নং- ০১৩১৮-২৪২৯৯৯

ডাচ বাংলা মোবাইল ব্যাংক ০১৭৭২-৬৮৬৮০৫৮